

YOSHLARDA VATANPARVARLIKNI SHAKLLANTIRISHNING SHART-SHAROITLARI

Abdullayeva G.S.
dotsent CHPDPU

Safarov F.F.
erkin tadqiqotchi

ANNOTATSIYA

Vatanimizning salohiyati, ma'naviy-ma'rifiy, ijtimoiy-iqtisodiy imkoniyatlari nechog'li ulkan ekanligi, yurtimizning qadimiy va boy tarixi, ulug' ajdodlarimiz va ular qoldirgan madaniy meros bashariyat madaniyati va rivojiga qo'shgan ulkan hissasi haqida yoshlarni ongiga singdirib borish zarur. Biz xalqimizning dunyoda hech kimdan kam bo'lmasligi, farzandlarimizning bizdan ko'ra kuchli, bilimli, dono va albatta baxtli bo'lib yashashi uchun bor kuch va imkoniyatlarimizni safarbar etayotgan ekanmiz, bu borada ma'naviy tarbiya masalasi, hech shubhasiz, beqiyos ahamiyat kasb etadi.

Kalit so'zlar: Vatan, vatanparvarlik, tarix, adolat, e'tiqod tushunchalari, yoshlar dunyoqarashlari, insonparvarlikning.

O'zbekistonda yoshlarni sog'lom va barkamol etib tarbiyalash, yoshlarning o'z ijodiy va aqliy salohiyatini ro'yobga chiqarishi, ularni har tomonlama rivojlangan shaxslar etib voyaga yetkazish uchun zarur shart-sharoitlar va imkoniyatlar yaratilgan. Uzoqni ko'zlagan holda qabul qilingan kadrlar tayyorlash, maktab ta'limini rivojlantirish umummilliy dasturlari, yoshlarga oid davlat siyosati, o'g'il-qizlarimiz uchun turli yo'nalishlar bo'yicha ta'sis etilgan davlat mukofotlari, bunyod etilgan ta'lim maskanlari, bolalar sportini rivojlantirish borasidagi ishlar... Bularning hammasi barkamol avlodni, demakki, ertangi kunimizning munosib davomchilarini, yurt kelajagi jonkuyarlarini tarbiyalashga qaratilgan tadbirlar sirasiga kiradi. Quvonarlisi, yuqoridagi ezgu g'oya, maqsadlarni amalga oshirish – yoshlarni ona Vatanga sadoqat va mehr-muhabbat, milliy va umuminsoniy qadriyatlarga hurmat va ehtirom, vatanparvarlik ruhida tarbiyalash, o'g'il-qizlarimizning orzu-istaklarini ro'yobga chiqarish yo'lidagi intilishlarini bugun barcha jabhalarda har bir sohada ko'rishimiz mumkin.

Aslida, yoshlarning mustaqil dunyoqarash va faol hayotiy pozitsiyaga ega bo'lishlari uchun har birimiz mas'ulmiz. Ulardagi ma'naviy va axloqiy fazilatlarni tarbiyalash, vatanparvarlik, mamlakat taqdiri uchun mas'uliyat hissi bilan yashash,

yurtimiz mustaqilligini mustahkamlash tuygʻusini yanada kuchaytirishga, oʻgʻil-qizlarimizni har tomonlama bilimdon qilishga muvaffaq boʻla olsakkina marra bizniki. Agar biz bu masalada hushyorlik va sezgirligimizni, qatʻiyat va masʻuliyatimizni yoʻqotsak, bu oʻta muhim ishni oʻz holiga, oʻziboʻlarchilikka tashlab qoʻyadigan boʻlsak, muqaddas qadriyatlarimizga yoʻgʻrilgan va ulardan oziqlangan maʼnaviyatimizdan, tarixiy xotiramizdan ayrilib, oxir-oqibatda oʻzimiz intilgan umumbashariy taraqqiyot yoʻlidan chetga chiqib qolishimiz mumkin”, deb alohida taʼkidlangan “Yuksak maʼnaviyat – yengilmas kuch” asarda.

Tarixga nazar soladigan boʻlsak, bundan 800 yil muqaddam Jaloliddindek pahlavon oʻgʻilni dunyoga keltirgan Oychechak ona farzandlari qoniga koʻkrak suti bilan birga yurtining nafasini, mehr-muhabbatini, ozodlikka boʻlgan buyuk sogʻinchini ham singdira oldi. U oʻz allalari bilan oʻgʻil-qizini Vatanga fidokorlik, xalqqa muhabbat ruhida tarbiyaladi. Jaloliddinning fojiaiy tugallangan umri tarix sahifalarida jasoratning mislsiz timsoli sifatida muhrlanib qoldi. U forslardan Isfandiyor Xazar oʻlkasida asirga tushgan singlisini qutqarish uchun borib, oʻzi ham asirga tushdi. Zindonda undan “Nima xohlaysan?” deb soʻraldi. U esa “Vatanimning bir siqim tuprogʻi va bir qultum suvi”, dedi. Jonajon Vatanimizning shonli tarixi sahifalarini varaqlasak, ajdodlarimizni nechogʻlik vatanparvarliklariga guvoh boʻlamiz. Ulugʻ tariqat peshvosi Najmiddin Kubro yurtimiz tarixida buyuk vatanparvarlik namunasini koʻrsatdi. Vatan muhabbati ila boʻlgan istaklaridan boshqa istaklarga quloq solmadi.

Ha, har bir inson qalbida tugʻilgan joyiga nisbatan muhabbat boʻlishi darkor. Bir faylasufdan soʻradilar: “Yashash qiyin boʻlgan bu choʻlu biyobonga qanday sabr qilasizlar?” U javob berdi: “Agar insonning tugʻilgan joyiga muhabbati boʻlmaganida edi farovon shaharlarga odamlar sigʻmas edi”.

Vatan, millat uning farzandlari jasorati, harakati va qudrati tufayli abadiydir. Osoyishtalik, umuman, barqaror rivojlanish har bir yurtning fuqarolari vatanparvarligiga bevosita bogʻliqdir.

FOYDALANILGAN ADABIYOTLAR RO‘YXATI: (REFERENCES)

1. G.S.Abdullayeva “Maxsus va inklyuziv ta’limda AKT” Fan va texnologiya-Toshkent-2022y
2. Burkhonov, A., Avlaev, O., Abdujalilova, S., & Otaev, A. (2021). Responsibility as a criterion for determining personal maturity. In E3S Web of
3. Sh.M.Mirziyoyev Surxondaryo viloyati kengashining xalq deputatlari navbatdan tashqari sessiyasi 2018 yil 19-yanvar –Toshkent.
4. O‘zbekiston Respublikasining Konstitutsiyasi O‘n ikkinchi chaqiriq O‘zbekiston Respublikasi Oliy Kengashining o‘n birinchi sessiyasi 1992 yil 8 dekabr// -Toshkent.
5. G.Abdullayeva “Maxsus va inklyuziv ta’limda AKT” Fan va texnologiya-Toshkent-2022y
6. Burkhonov, A., Avlaev, O., Abdujalilova, S., & Otaev, A. (2021). Responsibility as a criterion for determining personal maturity. In E3S Web of Conferences (Vol. 244, p. 11059). EDP Sciences.